

BERITA

26/02/2024 / ZAIDATUL SHAKILA MOHAMAD ASHARI, NURHAZIRAH AZMI, SITI HAJAR NOOR ALSHURDIN



Pada 13 Januari 2024 yang lalu, bengkel *Mentoring* BIO150 2.0 anjuran Fakulti Sains Gunaan UiTM Cawangan Perak Kampus Tapah telah diadakan di Smart Classroom UiTM Cawangan Perak Kampus Tapah. Program yang berkesinambungan daripada siri pertama ini telah melibatkan seramai 30 orang pelajar sebagai peserta, 4 orang mentor sebagai fasilitator dan 3 orang pensyarah. Objektif utama program adalah untuk membantu peserta menguasai topik berkaitan dengan metabolisme dan pembahagian sel menerusi perkongsian cara belajar bersama fasilitator dan teknik menjawab soalan yang berkesan. Perkongsian ini dibimbing oleh mentor-mentor yang terdiri dari pelajar-pelajar *senior* yang telah mengambil kod BIO150 dengan pemantauan pensyarah. Fasilitator yang dipilih sudah tentulah mereka yang mampu bertindak sebagai perunding, pembimbing dan guru kepada rakan-rakan. Secara tidak langsung, fasilitator dapat meringankan beban masalah yang dihadapi oleh peserta dengan memberi tunjuk ajar dan pembelajaran bersistematik bagi meningkatkan pemahaman dan skor bagi setiap penilaian berterusan yang dibuat. Perkongsian ini dijangkakan dapat mengatasi sempadan pembelajaran yang mungkin dihadapi di antara pensyarah dan pelajar. Program ini juga diharapkan dapat membantu para pelajar untuk memperoleh skor yang cemerlang dalam subjek metabolisme dan pembahagian sel pada peperiksaan akhir yang baru berakhir pada semester ini.

Sejajar dengan misi dan visi fakulti yang menitikberatkan pencapaian cemerlang pelajar di sudut kurikulum, program sebegini perlu diteruskan pada semester akan datang. Dengan dorongan dan bimbingan serta inspirasi cara belajar yang berkesan daripada fasilitator, diharapkan agar peserta dapat meningkatkan keazaman dan keyakinan khasnya untuk menghadapi peperiksaan.

[f Share](#) [X Post](#) [in Share](#)

Tags: Fakulti Sains Gunaan, UiTM Cawangan Perak Kampus Tapah

[< Strengthening Bonds: UiTM Sabah's Academy of Language Studies Connects Through Team Building](#)[UiTM Juara Festival Pantun Antara Asasi \(FANTASI\) 2024 >](#)

QUICK LINKS

[Ministry of Higher Education](#)
[Academic Calendar](#)
[Intake Calendar](#)
[Graduate Quick Search](#)
[Library](#)
[UiTM Holdings](#)
[WiFi UiTM](#)
[E-Complaint](#)

HUBUNGI KAMI

Universiti Teknologi MARA (UiTM)
40450 Shah Alam, Selangor Darul Ehsan
Malaysia

Tel: +603-5544 2051 / 2000

